


# 戰國策正解

燕上


九上



					和書門類
			二四	五七〇	號
		六	函		
	五	架			
一	三	冊			

庫文閣内		和書	
二	四	二	四
五	七	〇	號
一	三	冊	
九	一	函	
二	一	架	

内閣文庫	
番號和	24570
冊數	13 ( 12 )
函號	191 330



戰國策正解卷九上

橫田惟孝著

燕上

文公 凡三章

奉陽君李兌甚不取於蘇秦。蘇秦在燕，李兌因為蘇


秦謂秦陽君曰：齊燕離則趙重，齊燕合則趙輕。今君

之齊，非趙之利也。臣竊為君不取也。燕烏賢及國名，下皆效此不復

音為于偽反下同。○下李兌非誤則行。今君之下疑脫合字謂合燕於齊也。奉陽君曰：何

吾合燕於齊？疑何吾對曰：夫制於燕者，蘇子也。而燕弱

國也。東不如齊，西不如趙，豈能東無齊，西無趙哉？而



戰國策正解 卷九上 後彭國藏

君甚不善蘇秦蘇秦能抱弱燕而孤於天下哉是驅

燕而使合於齊也夫音扶○燕無齊趙則不能孤立

且燕亡國之餘也其以權立以重外以事

貴愚按亡國之餘謂齊破燕之後昭王之時也而此

章專言齊燕之合夫齊破燕之後二國仇讎豈能

相合哉且下王噲策曰燕王噲既立蘇秦死於齊秦

之滅在王噲時今客為秦說安得豫曰亡國之後哉

亦取之以疑燕齊燕齊疑則趙重矣齊王疑蘇秦則

君多資取之謂與之交齊疑燕合於趙則燕亦不信

則必事李齊二國必合於趙故趙重矣蘇秦為齊所疑

兌故多資奉陽君曰善乃使使與蘇秦結交下使所

考異 坊本奉陽君下 無李兌二字

蘇秦將為從北說燕文侯曰燕東有朝鮮遼東北有

林胡樓煩西有雲中九原南有呼沱易水塞方二千

餘里帶甲數十萬車七百乘騎六千匹粟支十年南

有碣石鴈門之饒北有棗栗之利民雖不由田作棗

粟之實足食於民矣此所謂天府也從子容反下除

始銳反朝鮮上音潮下音仙數色主反下同乘

樂無事不見覆軍殺將之憂無過燕矣大王知其所

以然乎夫燕之所以不犯冠被兵者以趙之為蔽於

其南也夫音扶下同樂音洛將子匠反秦趙五戰秦

再勝而趙三勝秦趙相敵而王以全燕制其後此燕

伐國策正解 卷九 後形圖

之所以不犯難也。難乃旦反。○五戰假設之辭也。秦恐燕乘故於後不敢伐燕此其所以不犯也。且夫秦之攻燕也踰雲中九原過代上谷

彌地踵道數千里雖得燕城秦計固不能守也秦之

不能害燕亦明矣。彌猶巨踵猶行也。言秦攻燕之難也。今趙之攻燕也

發興號令不至十日而數十萬之眾軍於東垣矣度

呼沱涉易水不至四五日而距國都矣。至燕都也。故曰秦

之攻燕也戰於千里之外趙之攻燕也戰於百里之

內夫不憂百里之患而重千里之外計無過於此者

是故願大王與趙從親天下為一則國必無患矣。過愆

也燕王曰寡人國小西迫強秦南近齊趙齊趙強國

也。今主君幸教詔之合從以安燕敬以國從於是齊蘇秦車馬金帛以至趙。

考異

坊本二千下無餘字雖不下無由字發興號今作發號出令高本五日下午無而字坊本南

近作促近強國下無也字

權之難燕再戰不勝趙弗救。難乃旦反。○權之噲子

謂文公曰不如以地請合於齊趙必救我若不吾救

不得不事。關君長曰趙若不救我則我不文公曰善

令郭任以地請講於齊趙聞之遂出兵救燕。令力呈反

考異

曾本後齊趙下更添齊趙二字


易王

凡二章

後形國義

燕文公時。秦惠王以其女為燕太子婦。文公卒。易王立。齊宣王因燕喪攻之。取十城。武安君蘇秦為燕說齊王。再拜而賀。因仰而弔。卒子律及為于偽反。說始銳反。○司馬貞曰。當時慶弔。應有其辭。史不錄耳。齊王按戈而却。曰。此一何慶弔相隨之速也。却。使秦退也。對曰。人之飢所以不食烏喙者。以為雖偷充腹而與死同患也。烏喙。毒藥也。偷。苟且也。今燕雖弱。小強秦之少婚也。王利其十城。而深與強秦為仇。今使弱燕為鴈行。而強秦制其後。以招天下之精兵。此食烏喙之類也。少。詩照反。行。戶郎反。○鴈行。見韓宣惠王策。天下之精兵。謂秦兵也。齊王曰。然則奈何。對曰。聖人之制事也。轉禍而為福。因敗而

為功。故桓公負婦人而名益尊。韓獻開罪而交愈固。此皆轉禍而為福。因敗而為功者也。負。婦人。蓋謂負桓公與蔡姬乘舟蕩。公公怒歸之。未絕。蔡人嫁之。明年。侵蔡。遂伐楚。事見僖三年左傳。因婦事。侵蔡。負婦人之累也。遂伐楚。而楚服。名益尊也。楚伐鄭。晉救之。鄭與楚成。荀桓子欲還。彘子不可。韓獻子謂桓子曰。彘子以偏師陷。子罪大矣。不如進也。與其專罪。六人同之。遂戰于邲。而敗績。事見宣十二年左傳。其勸戰而敗。閔罪也。六卿同罪。交愈固也。王能聽臣。莫如歸燕之十城。卑辭以謝秦。秦知王以己之故歸燕城也。秦必德王。燕無故而得十城。燕亦德王。是棄強仇而立厚交也。且夫燕秦之俱事齊。則大王號令天下皆從。是王以虛辭附秦。而以十城取天下也。此霸王之業矣。所謂轉禍



為福因敗成功者也。夫音扶。霸王之王于况反。關君長曰以虛辭附秦即卑辭以謝秦而不以物隨也故曰虛辭。齊王大說乃歸燕城以金千斤謝其後頓首塗中願為兄弟而請罪於秦。說音悅。鮑彪曰塗泥也。自卑其之。

考異

坊本奈何下有乎字業下無矣字

人有惡蘇秦於燕王者曰武安君天下不信人也王以萬乘下之尊之於廷示天下與小人羣也武安君從齊來而燕王不館也。乘繩證反下遐嫁反。館如聘禮公館賓之館謂就其館而見也。謂燕王曰臣東周之鄙人也見足下身無咫尺之功而足下迎臣於郊顯臣於廷今臣為足下便利

得十城功存危燕足下不聽臣者人必有言臣不信

傷臣於王者。為于偽反。下自為為人同。使所吏反。○使謂使齊也。臣之不信是

足下之福也使臣信如尾生廉如伯夷孝如曾參三

者天下之高行也而以事足下不可乎燕王曰可曰

有此臣亦不事足下矣且夫孝如曾參義不離親一

夕宿于外足下安得使之之齊廉如伯夷不取素餐

汙武王之義而不臣焉辭孤竹之君餓而死於首陽

之山廉如此者何肯步行數千里而事弱燕之危主

乎信如尾生期而不來抱梁柱而死信至如此何肯

揚燕秦之威於齊而取大功乎哉。參所金反高行之行下孟反下信行

後周隱雅

同、夫音扶、下且夫夫忠同、離力智反、下同、數色主反、○素空也、期、謂與女子期、且夫信行者

所以自為也。非所以為久也。皆自覆之術。非進取之

道也。覆扶又反、下同、○皆皆信廉孝也、且夫三王代興五霸迭盛皆

不自覆也。君以自覆為可乎。則齊不益於營丘。足下

不踰境。不窺於邊城之外。君當作若、字之誤也、前後皆曰足下、此不可獨曰君

營丘太公封地、且臣有老母於周。離老母而事足下。去自覆

之術。而謀進取之道。臣之趣。固不與足下合者。足下

者。自覆之君也。僕者。進取之臣也。所謂以忠信得罪

於君者也。去起呂反、燕王曰。夫忠信又何罪之有也。對曰。

足下不知也。臣鄰家有遠為吏者。其妻私久。其夫且

歸。其私之者憂之。其妻曰。公勿憂也。吾已為藥酒以

待之矣。後二日夫至。妻使妾奉卮酒進之。妾知其為

藥酒也。進之則殺主父。言之則逐主母。乃陽僵棄酒。

主父大怒而笞之。故妾一僵而棄酒。上以活主父。下

以存主母也。忠至如此。然不免於笞。此以忠信得罪

者也。臣之事。適不幸而有類妾之棄酒也。奉若勇反、且臣

之事。足下。尤義益國。今乃得罪。臣恐天下後事。足下

者。莫敢自必也。尤苦浪反、○言莫敢自期、尤高王義利益燕國也、且臣之說

齊。曾不欺之也。使說齊者。莫如臣之言也。雖堯舜之

智。不敢取也。說始銳反、○言齊不敢取其說也、

戰國策正解 卷九止 後彭國

考異

坊本見足下下有初見二字蓋注文一本無初見二字有臣亦不事足下矣七字坊本臣之上高本且字高本高行下無也字坊本不可乎作可乎高本且夫孝上有蘇秦曰三字餐作滄坊本不臣下無焉字高本踰境間有楚字坊本足下者作足下皆故妾一僵而棄酒作妾之棄酒四字高本使說間有之字

王噲凡七章

蘇秦死其弟蘇代欲繼之乃北見燕王噲曰臣東周之鄙人也竊聞王義甚高甚順鄙人不敏竊釋鉏耨而干大王至於邯鄲所聞於邯鄲者又高於所聞東周臣竊負其志乃至燕廷觀王之羣臣下吏大王天下之明主也言自負如其志之所欲乃至燕廷觀羣臣下吏王果天下之明主也言觀臣知

也君王曰子之所謂天下之明主者何如者也對曰臣

聞之明主者務聞其過不欲聞其善臣請謁王之過

夫齊趙者王之仇讎也楚魏者王之援國也今王奉

仇讎以伐援國非所以利燕也王自慮此則計過無

以諫者非忠臣也夫音扶下同王曰寡人之於齊趙

也非所敢欲伐也關君長曰王初見曰夫無謀久之

心而令人疑之殆有謀入之心而令人知之拙謀未

發而聞於外則危今臣聞王居處不安食飲不甘思

念報齊身自削甲札妻自組甲緝曰有大數矣有之

乎令力呈反聞於之聞音問處昌呂反下同○報齊謂報因喪見伐之怨也關君長曰組謂織組也緝



緝也、謂自織於穿甲之緝也、數猶計也、言削扎組王緝者、以有報伐齊仇之大計也、是代述王言也。

曰子聞之寡人不敢隱也我有深怨積怒於齊而欲

報之二年矣齊者我讎國也故寡人之所欲伐也直

患國敵力不足矣子能以燕敵齊則寡人奉國而委

之於子矣積子賜及下同○子聞之言代既聞外言敵疲敵力兵力也對曰凡天

下之戰國七而燕處弱焉獨戰則不能有所附則無

不重南附楚則楚重西附秦則秦重中附韓魏則韓

魏重且苟所附之國重此必使王重矣關君長曰言所附之國必

使王重於諸國今夫齊王長主也而自用也南攻楚五年穡

積散西困秦二年民憔悴士罷敵北與燕戰覆三軍

獲二將而又以其餘兵南面而舉五千乘之勁宋而

包十二諸侯此其君之欲得也其民力竭也安猶取

哉且臣聞之數戰則民勞久師則兵敝長丁丈及罷音疲將子匠

及乘繩證及數色角及○長主言齊國大兵強長於諸侯自用言好自用其強以攻戰也三軍謂燕三軍

也舉包謂將然非既舉且包也欲得謂得其所欲也安猶取哉言民力既竭無所取用也王曰吾

聞齊有清濟濁河可以為固有長城鉅防足以為塞

誠有之乎對曰天時不與雖有清濟濁河何足以為

固民力窮敵雖有長城鉅防何足以為塞濟子禮及下同塞先

代及○天時不與謂天不與時且異日也濟西不役所以備趙也河

北不師所以備燕也今濟西河北盡以役矣封內敵

後周國難

矣。盡津忍反。○徐孚遠曰：二境之不出，專以備燕趙，今用兵不休，故二境皆發也。夫驕主必

不好計。而亡國之臣貪於財。王誠能毋愛寵子母弟

以為質。寶珠玉帛。以事其左右。彼且德燕而輕亡宋。

則齊可亡已。好呼報反。質音致。○關君長曰：言齊王以質為利，左右寶珠玉帛為德，而且輕

亡宋。徐孚遠曰：前言舉五千乘之宋，此云將輕亡宋，是宋尚未滅，齊王意欲圖之，前言其規，筭也。王

曰：吾終以子受命於天矣。關君長曰：以用也。受命，未

教。欲必伐齊，其有勝之者，受命於天矣。曰：內寇不與外敵不可拒。王自

治其外，臣自報其內。此乃亡之之勢也。內寇，謂齊在內為謀者，外

敵，謂其士卒也。與，黨與也。治其外，謂拒外敵之謀也。報，應也。言為燕間齊，制其內寇，為內應也。

考異 一本竊聞作臣聞坊本鉏作鋤，思念作思，齊欲伐作欲報，敵齊作報齊，下無則字，下二年

作三年，而舉作西舉，自報作自敝。

蘇代為燕說齊，未見齊王。先說淳于髡曰：人有賣駿

馬者，比三日立市，人莫之知。往見伯樂曰：臣有駿馬

欲賣之，比三日立於市，人莫與言。願子還而視之，去

而顧之。臣請獻一朝之賈。伯樂乃還而視之，去而顧

之。一旦而馬價十倍。今臣欲以駿馬見於王，莫為臣

先後者。足下有意為臣伯樂乎？臣請獻白璧一雙，黃

金千鎰，以為馬食。為燕之為于偽反，說始銳反，此毗志反。樂音洛，還音旋，賈音嫁，見於

之見賢，遍及下同。先，西薦反。後，胡豆反。○關君長曰：莫與言，無與言。馬且問價者也。獻，一朝之賈者，蓋馬

肆有稅，愚謂為馬食，為馬食之資也。禮少儀：君將適他，臣如致金玉貨貝於君，則曰致馬資於有司。淳

于髡曰謹聞命矣乃入言之王而見之齊王大說蘇子悦音

考異

坊本與言下無願字賈作費高本無乃入之乃字盧本同

陳翠合齊燕將合燕王之弟為質於齊燕王許諾太

后聞之大怒曰陳公不能為人之國則亦已矣焉有

離人子母者老婦欲得志焉令力呈反質音致下同焉有之焉於虔反離力

子子其待之陳翠曰無害也遂入見太后王曰太后方怒智反○欲得志言欲殺辱之以逞志也

太后曰賴得先王鴈鶩之餘食不宜臞臞者憂公子

之且為質於齊也待之言待怒解也臞少肉也陳翠曰人主之愛

子也

子也。不如布衣之甚也。非徒不愛子也。又不愛丈夫

子獨甚。太后曰何也。對曰太后嫁女諸侯奉以千金

齊地百里以為人之終也。鮑彪曰嫁則女之事畢矣今王願封公

子百官持職羣臣効忠曰公子無功不當封。今王之

以公子為質也。且以為公子功而封之也。而太后弗

聽。臣是以知人主之不愛丈夫子獨甚也。封亦公子之終也

且太后與王幸而在。故公子貴。太后千秋之後。王棄

國家。而太子即位。公子賤於布衣。故非及太后與王

封公子。則公子終身不封矣。太后曰老婦不知長者

之計。乃命公子束車制衣為行具。長丁丈反○關君長曰命公子謂命

後周隱帝

為質於齊也。束猶約也。制猶製也。

**考異**

高本無亦字。坊本宜驪下有者字。一本願作顯。坊本公子功下無而封之三字。高本無而

大之而字。

或獻書燕王曰。王而不能自恃。不惡卑名以事強事。強可以令國安長久。萬世之善計。以事強而不可以為萬世。則不如合弱。將奈何合弱而不能如一。此臣之所為山東苦也。王而之而讀為如。惡鳥路反。令力呈反。為山之為于偽反。下為山為王同。○不能自恃。疑當作能。不自恃。一事強疑行。強謂秦也。比目之魚不相得則不能行。故古之人稱之。以其合兩而如一也。今山東合弱而不能如一。是山東之智不如魚也。○此毗志反。爾雅東

方有比目魚。不比不行。謂之鱧。稱之。稱比目魚也。是山東不智一也。又譬如車士之引

車也。三人不能行索。二人五人而車因行矣。今山東

三國弱而不能敵秦。索二國因能勝秦矣。然而山東

不知相索。智固不如車士矣。索所白反。○是胡與越山東不智二也。胡與越

人言語不相知。志意不相通。同舟而陵波。至其相救

助如一也。今山東之相與也。如同舟而濟。秦之兵至

不能相救助如一。智又不如胡越之人矣。是山東不智三也。

三物者。人之所能為也。山東之主遂不悟。此臣之所

為山東苦也。願大王之熟慮之也。三物謂山東相合上三事。

之主者。不卑名之國者。可長存之。卒者。出土以成韓

梁之西邊此燕之上計也不急為此國必危矣主必

大憂此節必有誤今試正之作山東相合之主者惡

西邊此山東之上計也與首節相應似可通也不知果然乎否今韓梁趙三國已合

矣秦見三晉之堅也必南伐楚趙見秦之伐楚也必

北攻燕物固有勢異而患同者秦久伐韓故中山亡

今久伐楚燕必亡言秦韓久構兵趙乘其間而亡中

而必必臣竊為王計不如以兵南合三晉約成韓梁之

西邊山東不能堅為此此必皆亡言不獨燕果以兵

南合三晉也

考異

坊本日作燕高本無今從纂及盧本坊本善計下有也字之所下有以字古下無之字相

索下有者字固作故陵作凌一本作臨坊本東之主作東主不界作不惡界主必作王必必北攻作必攻秦久作秦之今久作今秦之

今久作今秦之

燕王噲既立蘇秦死於齊蘇秦之在燕也與其相子

之為婚而蘇代與子之交及蘇秦死而齊宣王復用

蘇代燕噲三年與楚三晉攻秦不勝而還子之相燕

貴重主斷相息亮反下同復扶又反斷蘇代為齊使

於燕燕王問之曰齊宣王何如對曰必不霸燕王曰

何也對曰不信其臣蘇代欲以激燕王以厚任子之

也於是燕王大信子之子之因遺蘇代百金聽其所

使為干偽反使於之使所吏反遺唯季反○宜字衍涉上文而誤也下鹿毛壽或人即皆代之所使也

鹿毛壽謂燕王曰。不如以國讓子之人。謂堯賢者。以其讓天下於許由。由必不受。有讓天下之名。實不失天下。今王以國讓相子之。子之必不敢受。是王與堯同行也。燕王因舉國屬子之。子之大重。行下孟反。屬音燭。下同。由必之必行。涉下文。而誤也。屬付屬也。或曰。禹授益。而以啓人為吏。及老而以啓為不足任。天下傳之益也。啓與友黨攻益。而奪之天下。是禹名傳天下於益。其實令啓自取之。今王言屬國子之。而吏無非太子人者。是名屬子之。而太子用事。王因收印自三百石吏。而効之子之子之南面行王事。而噲老不聽政。顧為臣。國事皆決子

之。令力呈反。下令人令章同。○以啓人為吏。言以啓一臣為益吏也。收印自三百石吏。言收自三百石以

上吏印而効之子之。以使自置子之三年。燕國大亂。吏也。老謂以老自休也。顧反也。子之三年。燕國大亂。

百姓恫怨。將軍市被太子平謀將攻子之。恫痛也。儲子

謂齊宣王因而伐之。破燕必矣。王因令人謂太子平

曰。寡人聞太子之義。將廢私而立公。飭君臣之義。正

父子之位。寡人之國小。不足先後。雖然。則唯太子所

以令之。太子因數黨聚眾。將軍市被圍公宮。攻子之

不克。將軍市被及百姓乃反攻太子平。將軍市被死

以殉國。搆難數月。死者數萬眾。燕人恫怨。百姓離意。

先西薦反。後胡豆反。數色主反。難乃旦反。離力智反。李光縉曰。及及至之及非又及之及當云將軍市

被既攻子之不克及至百姓之反攻太子也市被遂  
赴闕為太子死難連用三將軍市被字此乃古文撲  
瞻處或曰不克下將軍是孟軻謂齊宣王曰今伐燕此  
市被四字行未詳孰是

文武之時不可失也王因合章子將五都之兵以因

北地之眾以伐燕士卒不戰城門不閉燕王噲死齊

大勝燕子之亡二年而燕人立太子平是為燕昭王

將子匠反○文武之時謂文武遇  
紂之時也北地齊北邊近燕地

**考異** 纂宣並作閔高本啓人作啓一字韓子有二人  
字高本友作支韓子作友坊本於益下有也

字高本坊本伐之作朴之今從一本高本  
死以作死已二年下無而字立太作立公

初蘇秦弟厲因燕質子而求見齊王齊王怨蘇秦欲

囚厲燕質子為謝乃已遂委質為臣質子之質音致  
下同委質之質

音贊為謝之為于偽反○齊怨秦為  
燕謀齊故欲囚厲為臣為齊臣也 燕相子之與蘇

代婚而欲得燕權乃使蘇代持質子於齊相息亮反  
○據上章

代婚之代當作秦使下代扶持質子而安于齊上也  
蓋代得齊交則燕重之重之則信其言故也 齊使

代報燕燕王噲問曰齊王其霸也乎曰不能曰何也

曰不信其臣於是燕王專任子之已而讓位燕大亂

齊伐燕殺王噲子之燕立昭王而蘇代厲遂不敢入

燕皆終歸齊齊善待之

**考異** 坊本持作侍 霸下無也字

蘇代過魏魏為燕執代齊使人謂魏王曰齊請以宋

封涇陽君秦不受秦非不利有齊而得宋壘也不信

齊王與蘇子也。今齊魏不和如此其甚。則齊不欺秦。秦信齊。齊秦合。涇陽君有宋地。非魏之利也。故王不  
如東蘇子。秦必疑而不信蘇子矣。齊秦不合。天下無  
變。伐齊之形成矣。於是出蘇代之宋。宋善待之。過音

于偽反。○魏昭王策可并考。

考異


坊本連前章下涇陽下無君字。出蘇代下更有代字。

昭王

凡十章

張儀為秦破從連橫。謂燕王曰。大王之所親莫如趙。昔趙王以其姊為代王妻。欲并代。約與代王遇於勾注之塞。乃令工人作為金斗。長其尾。令之可以擊人。

與代王飲。而陰告厨人曰。即酒酣樂進熱飲。即因反斗擊之。於是酒酣樂進。取熱飲。厨人進斟羹。因反斗擊之。代王腦塗地。其姊聞之。摩笄以自刺也。故至今有摩笄之山。天下莫不聞。夫趙王之狼戾無親。大王之所明見知也。為秦之為于偽反。從子容反。并音併。塞先代反。令力呈反。樂音洛。摩磨通。刺七亦反。夫音扶。○此趙王謂襄子。魏策亦稱襄子謂襄王。斗酌酒器尾。即其柄也。反斗。倒斗也。取猶受也。言代王進受熱飲。斟酌也。狼戾。言暴戾如狼。且以趙王為可親。邪。趙興兵而攻燕。再圍燕都。而劫大王。大王割十城。乃却以謝。邪音耶。○關君長曰。疑作以謝。乃却。言燕割城以謝。乃趙兵却退。今趙王已入朝。澠池。効河間。以事秦。大王不事秦。秦下甲雲中。九原。驅





趙而攻燕則易水長城非王之有也且今時趙之於秦猶郡縣也不敢妄興師以征伐今大王事秦秦王必喜而趙不敢妄動矣是西有強秦之援而南無齊趙之患是故願大王之熟計之也朝直遙反燕王曰寡人蠻夷僻處雖大男子裁如嬰兒言不足以求正謀不足以決事今大客幸而教之請奉社稷西面而事秦獻常山之尾五城處昌呂反○裁僅也尾猶末也

**考異** 坊本因反斗擊之代王腦塗地作因反斗而擊代王殺之王腦塗地無今趙之今字纂澠

作龜坊本事秦下有今字大客作上客

宮他為燕使魏魏不聽留之數月客謂魏王曰不聽

燕使何也曰以其亂也他徒多反為于偽反使所吏反數色主反○亂謂燕亂也

對曰湯之伐桀欲其亂也故大亂者可得其地小亂

者可得其寶今燕客之言曰事苟可聽雖盡寶地猶

為之也王何為不見魏王說因見燕客而遣之盡津忍反

悅說音

燕昭王收破燕後即位卑身厚幣以招賢者欲將以報讎故往見郭隗先生曰齊因孤國之亂而襲破燕孤極知燕小力少不足以報然得賢士與共國以雪先王之耻孤之願也敢問以國報讎者奈何郭隗先生對曰帝者與師處王者與友處霸者與臣處亡國

與役處。詘指而事之。北面而受學。則百已者至。先趨而後息。先問而後嘿。則什已者至。人趨已趨。則若已者至。馮几據杖。眄視指使。則厮役之人至。若恣睢奮擊。响藉叱咄。則徒隸之人至矣。此古服道致士之法也。王誠博選國中之賢者。而朝其門下。天下聞王朝其賢臣。天下之士必趨於燕矣。處昌呂反。馮音憑。選息戀反。朝直遙反。下同。○詘指猶拘指拱手也。說苑北面拘指。逡巡而退以求臣。則師傅之材至矣。詘指而事之。北面而受學也。弟子之禮也。先後先後於彼也。人趨已趨。不敢異也。恣睢暴戾也。吳師道曰。下言叱咄。上有响字。為復响。藉義亦不類。當是响藉。見韓策。釋為跳躍。此謂跳躍踏藉也。愚謂服道畏服道德也。昭王曰。寡人將誰朝而可。郭隗先生曰。臣聞古之君人。有以

千金求千里馬者。三年不能得。涓人言於君曰。請求之。君遣之。三月得千里馬。馬已死。買其骨五百金。反以報君。君大怒曰。所求者生馬。安事死馬。而捐五百金。涓人對曰。死馬且買之五百金。况生馬乎。天下必以王為能市馬。馬今至矣。於是不能暮年千里之馬至者三。今王誠欲致士。先從隗始。隗且見事。况賢於隗者乎。豈遠千里哉。君人恐倒。涓人。謁者。也。不能猶不及也。於是昭王為隗築宮而師之。樂毅自魏往。鄒衍自齊往。劇辛自趙往。士爭湊燕。燕王弔死問生。與百姓同其甘苦。二十八年。燕國殷富。士率樂佚輕戰。於是遂以樂毅為

上將軍與秦楚三晉合謀以伐齊齊兵敗閔王出走

於外燕兵獨追北入至臨淄盡取齊寶燒其宮室宗

廟齊城之不下者唯獨莒即墨為隗之為于偽反樂佚之樂音洛北音佩

又如字盡津忍反下遐嫁反○湊聚也

考異 坊本欲將下無以字力下無少字一本詘指

今從一本坊本無已趨二字諸本其骨作其首馬之八年下無燕字

客謂燕王曰齊南破楚西屈秦用韓魏之兵燕趙之

衆猶鞭筴也使齊北面伐燕即雖五燕弗能當王何

不陰出使散游士頓齊兵敝其衆使世世無患出使

所吏反下南使同○猶鞭筴言御諸國猶馬也當猶敵也言密遣使諸侯以約攻齊分散游士以說之頓

敝齊兵衆而燕王曰假寡人五年寡人得其志矣關君

長曰假謂使無諸侯之憂蘇子曰請假王十年燕王說奉蘇子車

五十乘南使於齊謂齊王曰齊南破楚西屈秦用韓

魏之兵燕趙之衆猶鞭策也臣聞當世之舉王必誅

暴正亂舉無道攻不義今宋王射天笞地鑄諸侯之

象使待屏屨展其臂彈其鼻此天下之無道不義而

王不伐王名終不成說音悅乘繩證反射食亦反○當世謂任當時世也舉王之舉

吳師道以為因下誤行是矣屏樹屨厠也猶且夫宋

中國膏腴之地鄰民之所處也與其得百里於燕不

如得十里於宋伐之名則義實則利王何為弗為夫音

扶處昌呂反○鄰四齊王曰善遂興兵伐宋三覆宋  
鄰鄰民猶言雜民也  
宋遂舉燕王聞之絕交於齊率天下之兵以伐齊大  
戰一小戰再頓齊國成其名故曰因其強而強之乃  
可折也因其廣而廣之乃可缺也故曰以下記者之餘論

考異

坊本五十五

齊伐宋宋急蘇代乃遣燕昭王書曰夫列在萬乘而  
寄質於齊名卑而權輕奉齊助之伐宋民勞而實費  
破宋殘楚淮北肥大齊讎強而國弱也此三者皆國  
之大敗也而足下行之將欲以除害取信於齊也而  
齊未加信於足下而忌燕也愈甚矣然則足下之事

齊也失所為矣夫民勞而實費又無尺寸之功破宋

肥讎而世負其禍矣

遺唯季反夫音扶下同乘繩證反下同質音致下同○燕前有

一子質於齊見上實貨財也除害謂除齊

足下以宋

加淮北強萬乘之國也而齊并之是益一齊也北夷  
方七百里加之以魯衛此所謂強萬乘之國也而齊  
并之是益二齊也夫一齊之強而燕猶不能支也今  
乃以三齊臨燕其禍必大矣并音併○足下二字恐

加之淮北則一強萬乘之國也司馬貞曰北夷謂山  
戎北狄附齊者愚謂齊因舉宋并魯衛加之北夷則  
亦一強萬乘之國也雖然臣聞智者之舉事也轉禍而為福因

敗而成功者也齊人紫敗素也而賈十倍越王勾踐

棲於會稽而後殘吳霸天下此皆轉禍而為福因敗

而為功者也

賈音價勾古侯反會古外反稽音鷄素白繒也韓子云齊桓公好服紫一國

盡服紫當時十素不得一紫穆文熙曰取取今王若欲

轉禍而為福因敗而為功乎則莫如遙霸齊而厚尊

之使使盟於周室盡焚天下之秦符約曰夫上計破

秦其次長賓之秦秦挾賓客以待破秦王必患之

之使所吏反盡津忍反賓擯通○之秦之秦五世以

結諸侯今為齊下秦王之志苟得窮齊不憚以一國

都為功

言不憚下割國都以賂與國而為窮齊之功也

然而王何不使布衣

之人以窮齊之說說秦謂秦王曰燕趙破宋肥齊尊

齊而為之下者燕趙非利之也弗利而勢為之者何

也以不信秦王也今王何不使可以信者接收燕趙

今涇陽君若高陵君先於燕趙秦有變因以為質則

燕趙信秦矣

說秦之說始銳反下說秦同○上何不

二國也變謂背約也秦為西帝趙為中帝燕為北帝立為三帝

而以令諸侯韓魏不聽則秦伐之齊不聽則燕趙伐

之天下孰敢不聽天下服聽因驅韓魏以攻齊曰必

反宋地歸楚之淮北夫反宋地而歸楚之淮北燕趙

之所同利也並立三帝燕趙之所同願也夫實得所

利名得所願則燕趙之棄齊也猶釋敝屣

躡躡也今

王之不收燕趙。則齊霸必成矣。諸侯戴齊。而王獨弗從也。是國伐也。諸侯戴齊。而王從之。是名界也。王不收燕趙。名界而國危。王收燕趙。名尊而國寧。夫去尊寧而就界危。智者不為也。去起呂反。○以上謂秦王設詞。穆文熙曰。為秦畫策。今與燕趙相信。因而驅使。韓魏以攻齊。所謂窮齊也。秦王聞若說也。必如刺心。然則王何不務使智士。以若此言說秦。秦伐齊必矣。夫取秦上交也。伐齊正利也。尊上交務正利。聖王之事也。刺七亦反。○取猶收也。燕昭王善其書曰。先人嘗有德蘇氏。子之之亂。而蘇氏去燕。燕欲報仇於齊。非蘇氏莫可。乃召蘇氏。復善待之。與謀伐齊。竟破齊。閔王出走。

復扶又反

考異

高本奉作秦。坊本使使作使之。長賓之秦作長賓。客秦。今溼作令溼。帝而下無以字。一本服聽作服德。驅作馳。坊本上宋地。下有而字。一本敝驪作脫展。劉本若此。言作若言。坊本說秦下無秦字。報仇作報讎仇。

蘇代謂燕昭王曰。今有人于此。孝如曾參。孝已。信如尾生。高廉如鮑焦。史鮒。兼此三行。以事王。奚如。王曰。如是足矣。對曰。足下以為足。則臣不事足下矣。臣且處無為之事。歸耕乎周之上地。耕而食之。織而衣之。王曰。何故也。對曰。孝如曾參。孝已。則不過養其親耳。信如尾生。高則不過不欺人耳。廉如鮑焦。史鮒。則不

過不竊入之財耳。今臣為進取者也。臣以為廉不與身俱達。義不與生俱立。仁義者自完之道也。非進取

之術也。參所全反。行下孟反。處昌呂反。衣於既反。養羊尚反。○史鮑衛大夫子魚也。關君長曰。廉

不苟取。是以身貧。故不俱達。義不苟生。是以身死。故不俱立。王曰。自憂不足乎。關

長曰。言自憂國。事不足保國乎。對曰。以自憂為足。則秦不出殺塞。齊

不出營丘。楚不出疏章。三王代位。五伯改政。皆以不

自憂故也。若自憂而足。則臣亦之周負籠耳。何為煩

大王之廷邪。塞先代反。伯霸同。邪音耶。○關君長曰。亦亦燕王也。負籠猶言荷蓐也。言耕稼

也。昔者楚取章武。諸侯北面而朝。秦取西山。諸侯西

面而朝。曩者使燕毋去周室之上。則諸侯不為別駕

而朝矣。朝直遙反。○關君長曰。魏策曰。君之楚。將奚為北面。此當作南面。別駕猶改駕也。愚謂言

使下燕。繼召公業。夾輔周室。挾天子以令諸侯。則諸侯不為改駕。朝秦楚而朝燕矣。此言秦楚務進取。而燕

不能然也。臣聞之。善為事者。先量其國之大小。而揆其兵

之強弱。故功可成。而名可立也。不能為事者。不先量

其國之大小。不揆其兵之強弱。故功不可成。而名不

可立也。其指敵國也。揆度也。此言燕王欲成功立名。宜先量敵國大小。強弱。今王有東

嚮伐齊之心。而愚臣知之。王曰。子何以知之。對曰。矜

戰砥劍。登丘東嚮。而歎。是以愚臣知之。矜音謹。○鮑彪曰。矜。矛柄。

矜。戰蓋為矜。施戰。矜。石。所以礪也。今夫烏獲舉千鈞之重。行年八十

而求扶持。故齊雖強國也。西勞於宋。南罷於楚。則齊

軍可敗而河間可取。夫音扶，罷音疲，敗必邁反。言齊今疲勞，猶烏獲衰老也。燕

王曰善，吾請拜子為上卿，奉子車百乘。子以此為寡

人，東游於齊，何如？乘繩證反，下同，為寡之為于偽反。下為王為子為足同。○言為燕說

齊對曰：足下以愛之故與，則何不與愛子？與諸舅叔

父負牀之孫不得，而乃以與無能之臣，何也？與與車也，與諸

之與及也，負牀未詳，疑牀作懷，負懷亦謂愛也，不得不得車也。王之論臣，何如人哉？

今臣之所以事足下者，忠信也。恐以忠信之故，見罪

於左右。關君長曰：不欲斥。言燕王故云左右。王曰：安有為人臣盡其力

竭其能而得罪者乎？對曰：臣請為王譬。昔周之上地

嘗有之，其丈夫宦三年不歸，其妻愛人，其所愛者曰

子之丈夫來，則且奈何乎？其妻曰：勿憂也。吾已為藥

酒而待其來矣。已而其丈夫果來，於是因令其妾酌

藥酒而進之，其妾知之。半道而立，慮曰：吾以此飲吾

主父，則殺吾主父。以此事告吾主父，則逐吾主母。與

殺吾主父，逐吾主母者，寧佯躓而覆之。於是因佯僵

而仆之。其妻曰：為子之遠行來之故，為美酒，今妾奉

而仆之，其丈夫不知，縛其妾而笞之。故妾所以笞者，

忠信也。今臣為足下使於齊，恐忠信不論於左右也。

盡津忍反，令力呈反，飲於燭反。奉捧同，使所吏反。○躓踰也。臣聞之曰：萬乘之主

不制於人，臣十乘之家，不制於眾人。匹夫徒步之士



不制於妻妾而又况於當世之賢主乎。臣請行矣。願足下之無制於群臣也。所以自固也。

考異

一本過養作過孝位作立纂政作正坊本之周作周之諸本別駕作別馬一本作加馬今

從一本本坊本故與下無則字當世作當時

燕王謂蘇代曰寡人甚不喜訛者言也。喜許記反訛音他○喜好

也訛欺也蘇代對曰周地賤媒為其兩譽也之男家曰女

美之女家曰男富然而周之俗不自為取妻。為其偽為于偽

反譽音餘取七住反○言必待媒而娶也且夫處女無媒老且不嫁舍媒

而自銜敝而不售順而無敗售而不敝者唯媒而已

矣。夫音扶下同處昌呂反舍音捨○銜賣也且事非

權不立非勢不成夫使人坐受成事者唯訛者耳王曰善矣

考異

坊本男富作男美

蘇代謂奉陽君說燕於趙以伐齊奉陽君不聽乃入

齊惡趙令齊絕於趙。說始銳反令力呈反下同○說燕於趙言以燕怨齊之事說趙

王以與燕俱伐齊入齊代八齊也齊已絕於趙因之燕謂昭王曰韓

為謂臣曰人告奉陽君曰使齊不信趙者蘇子也。韓為

人姓名也令齊王召蜀子使不伐宋者蘇子也。蓋齊使蜀子代宋既

而召歸不伐也與齊王謀道取秦以謀趙者蘇子也。道言也取收也

令齊守趙之質子以甲者又蘇子也。質音致下同請告子

以請齊。果以守趙之質子以甲。吾必守子以甲。子指代吾

謂趙也。言人請奉陽曰告代以請齊。今無守趙之質子以甲。若代不為請。齊果守質子以甲。則趙亦必守

代以甲也。其言惡矣。雖然。王勿患也。言雖趙言惡而王勿為臣患也。臣故

知入齊之有趙累也。出為之。以成所欲。臣死而齊大

惡於趙。臣猶生也。故固通。關君長曰。出疑作由。由猶通。言知有趙累猶為之也。今

齊趙絕。可大紛已。持臣非張孟談也。使臣也。如張孟

談也。齊趙必有為智伯者矣。紛亂也。吳師道曰。持字疑特得之。關君長曰。趙

襄子委張孟談與韓魏約伐智伯。言燕王不然。奉陽君告朱謹與趙足曰。齊

王使公玉曰。命說曰。必不反韓珉。今召之矣。必不任

蘇子以事。今封而相之。必不合燕。今以燕為上交。息相

亮反。下子相相中同。公玉曰。當作公玉丹。或公玉冉。按呂子審己篇。齊湣王亡居於衛。謂公玉丹曰。云。史記孝武紀。索隱云。風俗通。齊泯王臣有公玉冉。冉與丹字形相似。實是一人。曰字亦與冉丹相近。而

誤耳。吳師道曰。說兌之訛得之。即奉陽名也。此言齊王變前言也。吾所持者順也。今

其言變。有甚於其父。順始與蘇子為讎。見之。知無厲

今賢之。兩之已矣。吾無齊矣。順。齊公子。嘗質於趙者。見秦惠文君策。厲害也。


言雖順見代。吾知其無害。兩疑當作良。音之誤也。言以代為賢良也。無齊。謂無得齊交也。奉陽君

之怒甚矣。如齊王之不信趙。而小人奉陽君也。因是

而倍之。不以今時大紛之。解而復合。則後不可奈何

也。倍音佩。解音蟹。復扶又反。關君長曰。如疑作以得之。小人謂待之如小人也。言奉陽怒此二者而

背齊。解謂二國和解。故齊趙之合。苟可循也。死不足以為臣患



逃不足以爲臣耻。爲諸侯不足以爲臣榮。被髮自漆爲厲。不足以爲臣辱。故固通。被皮寄反。厲音賴。○循順也。關君長曰。苟可循。不可必期之詞。是也。言二國交合。而苟可順。燕則已之願足矣。然而臣有患也。臣死而齊趙不循。惡交分於臣也。而後相效。是臣之患也。二言國合而不順。燕則二國與燕。交分惡於代。而後人相效其言。以爲代實有此事矣。是患也。若臣死而必相攻。臣必効之。而求死焉。堯舜之賢而死。禹湯之智而死。孟賁之勇而死。烏獲之力而死。生之物。固有不死者乎。在必然之物。以成所欲。王何疑焉。貴音奔。○相攻。謂齊趙相攻也。王當作臣。字之誤也。臣以爲不若逃而去之。○關君長死。則齊趙恐不相攻。不若逃去。爲二國相攻之計。臣以韓魏循自齊。而爲之

取秦。深結趙以勁之。如是則近於相攻也。○爲于僞反。言以韓魏相順。由齊不善而說秦。爲二國取交於秦。三國深結。趙以勁其兵。如是則齊趙近於相攻也。臣雖爲之累。燕奉陽君告朱謹曰。蘇子怒於燕王之不以吾故。弗予相。又不予卿也。殆無燕矣。其疑至於此。故臣雖爲之不累。燕又不欲王。代以用也。吾子皆指燕親也。關君長曰。王疑作止。得之代。既述奉陽告朱謹之言。而斷之曰。奉陽疑代怒燕。而無親至於此。故臣雖爲之。不累燕。又不欲王。伊尹再逃湯。而之桀。再逃桀。而之湯。果與鳴條之戰。而以湯爲天子。伍子胥逃楚。而之吳。果與伯舉之戰。而報其父之讎。今臣逃而紛齊趙。始可著於春秋。伯拍通。○與皆當作興。字之誤也。言二子皆逃而成功。代逃而紛亂齊趙。

則亦可垂功 且舉大事者孰不逃 桓公之難 管仲逃

於魯陽貨之難 孔子逃於衛 張儀逃於楚 白珪逃於

秦 望諸相中山也 使趙趙劫之求地 望諸攻關而出

逃 外孫之難 薛公釋載逃出於關 三晉稱以為士 故

舉大事 逃不足以為辱矣 難乃且反 使所吏反 載才

秋傳張儀以下未詳 望諸非樂毅別是一人 卒絕齊

於趙 趙合於燕 以攻齊 敗之 卒子律反 敗必邁

考異 高本章首止者矣 自為二章 題奉陽君以下

一本高本今齊作令齊公玉作公王之必作之令坊本

知作如高本如齊王下更有王字坊本上相攻下

有也字臣以下無為字 勤作勤 高本下相攻下無

也字坊本之累間有不字 二子字皆作子 無再逃

湯而之 祭六字 大事下無者 字貨作虎 珪作圭 而

出下無逃字 高本載作 戴坊本為士間有好字

燕昭王且與天下伐齊 而有齊人仕於燕者 昭王召

而謂之曰 寡人且與天下伐齊 旦暮出令矣 子必爭

之爭之而不聽 子因去而之齊 寡人有時復合和也

且以因子而事齊 爭音諍 復扶又反 言伐齊 當此

之時也 燕齊不兩立 然而常獨欲有復收之之志 若

此也 收取也 言當此之時 二國勢不兩立 而齊強燕

取故地之志 如此也 此記者之言 考異 坊本無和

齊魏爭燕言二國爭齊謂燕王曰吾得趙矣魏亦謂

燕王曰吾得趙矣燕無以決之而未有適予也適丁

子與通○二國皆言吾得與趙交蘇子謂燕相曰臣

聞辭卑而弊重者失天下者也辭倨而弊薄者得天

下者也今魏之辭倨而弊薄燕因合於魏得趙齊遂

北矣相息亮反北音佩○關君長曰

北敗謂齊為燕所敗終言之也

**考異**坊本子作代於魏下更有魏字下得趙作得燕

蘇代自齊使人謂燕昭王曰臣聞離齊趙齊趙已孤

矣王何不出兵以攻齊臣請為王弱之燕乃伐齊攻

晉間古竟反離力智反下同為于偽反下為寡同○間隔也趙已之趙疑衍晉齊地名令人謂

閔王曰燕之攻齊也欲以復振故地也燕兵在晉而

不進則是兵弱而計疑也王何不令蘇子將而應燕

乎夫以蘇子之賢將而應弱燕燕破必矣燕破則趙

不敢不聽是王破燕而服趙也閔王曰善令力呈反下同將子

匠反下同夫音扶○代令人謂也乃謂蘇子曰燕兵

鮑彪曰振舉也蓋欲復王曾所失在晉今寡人發兵應之願子為寡人為之將對曰臣

之於兵何足以當之王其改舉王使臣也是敗王之

兵而以臣遺燕也戰不勝不可振也王曰行寡人知

子矣敗必邁反下敗王同遺唯李反○改舉言別用他將不可振言不可振起國勢蘇子遂

將而與燕人戰於晉下齊軍敗燕得甲首二萬人蘇

戰國策正切 卷九 魏 魏 魏 魏

子以其餘兵以守陽城而報於閔王曰王過舉令臣  
應燕今軍敗亡二萬人臣有斧質之罪請自歸於吏  
以戮閔王曰此寡人之過也子無以為罪明日又使  
燕攻陽城及狸又使人謂閔王曰日者齊不勝於晉  
下此非兵之過齊不幸而燕有天幸也今燕又攻陽  
城及狸是以天幸自為功也王復使蘇子應之蘇子  
先敗王之兵其後必務以勝報王矣王曰善乃復使  
蘇子蘇子固辭王不聽遂將與燕戰於陽城燕人大  
勝得首三萬齊君臣不親百姓離心燕因使樂毅大  
起兵伐齊破之質鎖通復 扶又反

考異

高本間作聞故地作古  
地一本得首作斬首

蘇代自齊獻書於燕王曰臣之行也固知將有口事

故獻御書而行口事讒口之事也御侍御也不敢斥王也曰臣貴於齊燕

大夫將不信臣臣賤將輕臣臣用將多望於臣齊有

不善將歸罪於臣天下不攻齊將曰善為齊謀天下

攻齊將與齊兼質臣臣之所重處重卵也為于偽反下為王同

上重直用反下重直龍反處昌呂反○望責望也不  
善謂不善於燕也質市也關君長曰此句有誤錯當  
作將謂臣兼質齊愚謂既質於燕又質於諸侯故曰  
兼質重猶難也重卵猶累卵處重卵謂危也此前日  
書中語也王謂臣曰吾必不聽眾口與讒言吾信汝也猶

列眉也上可以得用於齊次可以得信於下苟無死



女無不為也。以女自信可也。與之言曰：去燕之齊可也。期於成事而已。

女音汝。○關君長曰：列眉，謂兩眉對列，以喻其明白也。期待也。言苟無成之事，汝便互從事，以汝心自信，無為顧慮也。愚謂與之言以下十字，疑他章錯簡，此前日燕王答代也。

也。臣受令以任齊。及五年，齊數出兵，未嘗謀燕。

數色也。○任齊以齊為己任。齊趙之交一合一離，燕王不與也。此言已勝其任。

齊謀趙，則與趙謀齊。齊之信燕也，至於虛北地行其

兵。今王信田伐與參去疾之言，且致齊。

虛不設備也。齊北地近燕，而不設備，行其兵，不疑燕也。與及也。關君長曰：燕無信於齊，而齊不疑燕，今燕且攻齊，不信之甚，代言之者，蓋以伐齊則己之謀不行也。或不欲人有己之功與。

使齊犬馬賤而不言燕。

今王又使慶令臣曰：吾欲用所善。

吳師道曰：字書無驥字，恐即賤，關君

謂長曰：使齊如犬馬賤而不言攻燕，蓋言齊之有信，愚謂使齊然者，代之功也。今王欲用其所善，是王無信也。

於代。王苟欲用之，則臣請為王事之。王欲驛臣，刺任

所善，則臣請歸驛事。臣苟得見，則盈願。

驛釋同，刺專通。○言兩用二人，則事之專任所善，則釋己所任之事，用之與不用，非所敢請，唯苟得見王，則己願足矣。

考異

高本質作鄭坊本之所下無重字，高本列眉作劉列坊本離下無燕王二字，馬下無驥字。

秦召燕王。燕王欲往。蘇代約燕王曰：楚得枳而國亡。

齊得宋而國亡。

約猶止也。亡失也。謂失地於秦也。齊楚不得以有枳

宗事秦者，何也。是則有功者。秦之深讎也。

鮑彪曰：言此以見克

所惡也。秦取天下，非行義也。暴也。秦之行暴於天

下。後形圖載

下。正告楚曰。蜀地之甲。輕舟浮於汶。乘夏水而下。江五日而至。郢漢中之甲。乘舟出於巴。乘夏水而下。漢四日而至。五渚寡人積甲。宛東下隨。智者不及謀。勇者不及怒。寡人如射隼矣。王乃待天下之攻函谷。不亦遠乎。楚王為是之故。十七年事秦。宛於表反。射食亦反。下同。為于

為反。下為割同。○司馬貞曰。正告。謂顯然而告也。夏水。謂夏潦之水。盛漲時也。愚謂如射隼。以喻易且必獲也。易曰。射隼于高墉之上。獲之無不利。秦正告韓曰。我起乎少曲。一日而斷太行。我起乎互陽。而觸平陽。二日而莫不盡繇。我離兩周。而觸鄭。五日而國舉。韓氏以為然。故事秦。

少詩。昭反。下同。斷音短。行戶郎反。下同。盡津忍反。○觸猶擊也。董份曰。盡繇。言韓徵民繇役為備。離歷也。

秦正告魏曰。我舉安邑。塞女戟。韓氏太原卷。我下軹道。南陽封冀。包兩周。乘夏水。浮輕舟。強弩在前。鈇戈在後。決滎口。魏無大梁。決白馬之口。魏無濟陽。決宿胥之口。魏無虛頓丘。陸攻則擊河內。水攻則滅大梁。魏氏以為然。故事秦。塞先北反。下同。卷眷勅反。濟子禮反。下同。虛音墟。○卷謂如卷

席也。道由也。鈇利也。秦欲攻安邑。恐齊救之。則以宋委於齊。曰。宋王無道。為木人以寫寡人。射其面。寡人地絕兵遠。不能攻也。王苟能破宋。有之。寡人如自得之。已得安邑。塞女戟。因以破宋為齊罪。秦欲攻韓。恐天下救之。則以齊委於天下。曰。齊王四與寡人約。四欺寡人。必



率天下以攻寡人者三。有齊無秦，無齊有秦，必伐之。必亡之。已得互陽，少曲致蘭石，因以破齊為天下罪。秦欲攻魏，重楚則以南陽委於楚，曰：寡人固與韓且絕矣。殘均陵，塞黽隘，苟利於楚，寡人如自有之。魏棄與國而合於秦，因以塞黽隘為楚罪。重直用及下重，燕重魏同。○徐字遠曰：楚魏本與國，秦攻魏，畏楚救之，故以南陽委楚。楚有事南陽，不及救魏，魏棄楚而合秦。秦欲伐楚，即以塞黽隘為罪也。兵困於林中，重燕趙，以膠東委於燕，以濟西委於趙，已得講於魏，至公子延，因犀首屬行而攻趙。屬音燭。○秦伐魏，林鄉見魏策，屬行謂相屬而起兵也。言秦使公子延因犀首相屬起兵而攻趙也。兵傷於離石，遇敗於馬陵，而重魏，則以葉蔡委於魏。

已得講於趙，則劫魏，魏不為割，困則使太后穰侯為和，嬴則兼欺舅與母。葉舒涉及下同。○離石馬陵皆趙地名，關君長曰：史無一魏字，此恐誤行，言秦不為魏割所委之地。史作太后弟，此當添弟字，嬴勝也。適燕者曰：以膠

東適趙者曰：以濟西適魏者曰：以葉蔡適楚者曰：以塞郟阨適齊者曰：以宋此必令其言如循環，用兵如刺蜚，母不能制，舅不能約。適音謫，阨音隘，令力呈反，刺七亦反。○吳師道曰：適即上所謂，因以為罪者，如循環，言其無窮，不可致詰也。愚謂蜚，蟲名，如刺蜚，謂易也。制御也。約，要束也。

龍賈之戰，岸門之戰，封陵之戰，高商之戰，趙莊之戰，秦之所殺，三晉之民數百萬，今其生者皆死，秦之孤也。西河之外，上雒之地，三川，晉國之禍，三晉之半。數色

主反○龍賈魏將岸門三川韓地封陵西河上維魏地高商或地名或人名未詳趙莊趙將方苞曰西河上維三川皆秦所并三晉之地也秦禍如此其大而晉國之被秦禍幾亡三晉之半也

燕趙之私交秦者皆以爭事秦說其主此臣之所大

患說始銳反燕昭王不行蘇代復重於燕燕反約諸侯從

親如蘇秦時或從或否而天下由此宗蘇氏之從約

代厲皆以壽死名顯諸侯復扶又反從子容反○言蘇秦死後諸侯或從或否

而由燕重代天下復宗蘇氏

考異

坊本於天下正作正告天下下江下漢上並無而字乘舟作輕舟卷下無我字高本軹作軹坊本軹道下更有道字冀下有兼字戈作戟一本榮口間有陽之二字梁魏下無氏字齊救作齊據寫作象齊王作齊人蘭石間有離字高本趙已作趙趙坊本至作質無屬行而三字高本贏作贏

坊本必令上無此字制作知諸本無私交二字今從盧本坊本反約下無諸侯二字

燕饑趙將伐之楚使將軍之燕過魏見趙恢趙恢曰

使除患無至易於救患伍子胥宮之奇不用燭之武

張孟談受大賞是故謀者皆從事於除患之道而先

使除患無至者過音戈易以鼓反○伍子胥至大賞十七字疑他章錯簡言患未至而使

除之無至易患既至而救之難故智謀之士皆從其易者而先使除患無至者也以言燕被伐而救之不如其未伐而今與以百金送公也不如以言公聽吾

言而說趙王曰昔者吳伐齊為其饑也伐齊未必勝

也而弱越乘其敝以霸今王之伐燕也亦為其饑也

伐之未必勝而強秦將以兵承王之西是使弱趙居

強吳之處而使強秦處弱越之所以霸也願王之熟

計之也說趙之說始銳反下同為于偽反秦處之處

先使除患無至者也使者乃以說趙王趙王大說乃止燕昭王

聞之乃封之以地大說之說音悅使所吏反○使

**考異**坊本道作遺者二字先作無

趙且伐燕蘇代為燕謂惠王曰今日臣來過易水蚌

方出曝而鷓啄其肉蚌合而箝其喙鷓曰今日不雨

明日不雨即有死蚌蚌亦謂鷓曰今日不出明日不

出即有死鷓兩者不肯相舍漁者得而并擒之偽于

過音戈蚌叶彼五反鷓音聿舍音捨并音併○蚌蛤也鷓知將雨鳥也箝箝也

去而蚌枯死也有死鷓言雨則水滿因沈沒鷓不能出而溺死也今趙且伐燕燕趙

久相支以敝大衆臣恐強秦之為漁父也故願王之

熟計之也父音甫○言二國相惠王曰善乃止

**考異**高本籍作掛坊本相支作相

凡二十七章

戰國策正解卷九上 終

單國策上角 卷九  
行周匿雍

單國策上角 卷九

單國策上角 卷九

單國策上角 卷九

單國策上角 卷九

單國策上角 卷九

單國策上角 卷九

單國策上角 卷九


單國策上角 卷九

單國策上角 卷九

單國策上角 卷九

單國策上角 卷九

單國策上角 卷九



Main column of text containing vertical lines of Chinese characters, likely a transcription or commentary on the main text on the right.

